

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspeksijske
poslove




Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina

CANTON SARAJEVO
Cantonal Administration for Inspection Issues

Broj: UP-1-14-12-38-20361/18-12/02-004
Sarajevo, Oktobar 19. 2018. godine



Kantonalni prosvjetni inspektor za visoko obrazovanje u postupku inspeksijskog nadzora nad subjektom nadzora J.U. „Univerzitet u Sarajevu“ Sarajevo, sa sjedištem u Sarajevu, ul. Obala Kulina Bana br.7, a na osnovu člana 171. Zakona o visokom obrazovanju Kantona Sarajevo („Sl. novine Kantona Sarajevo“ broj: 33/17) i člana 67. Zakona o inspekcijama Kantona Sarajevo („Sl. novine Kantona Sarajevo“ broj: 2/17), a u vezi sa članom 4. i 8. Zakona o prosvjetnoj inspekciji („Sl. novine Kantona Sarajevo“ broj: 9/00) donosi:

RJEŠENJE

NAREĐUJE SE: J.U. „Univerzitet u Sarajevu“ Sarajevo;

1. Da poduzme radnje i aktivnosti u cilju osiguranja izvršenja odluka tijela visokoškolske ustanove u smislu primjene člana 131 Zakona o visokom obrazovanju Kantona Sarajevo;
2. Rok izvršenja upravne mjere iz tačke 1. je **7 (sedam)** dana od dana prijema rješenja;
3. U roku od tri **3 (tri)** dana od dana isteka roka utvrđenog u tački 2. ovog rješenja, kantonalnom prosvjetnom inspektor za visoko obrazovanje dostavi dokaz o izvršenju naložene upravne mjere;
4. Žalba ne odlaže izvršenje rješenja.

Obrazloženje

Dana 19.10.2018.godine Kantonalni prosvjetni inspektor za visoko obrazovanje izvršio je usmjereni inspeksijski nadzor na J.U. „Univerzitet u Sarajevu“ Sarajevo, na okolnosti navoda pismene predstavke dr. Ismeta Gavrankapetanovića po punomoćnicima, a koji se odnose na kršenje propisa iz oblasti visokog obrazovanja u vezi sa radno – pravnim statusom redovnog profesora dr. Ismeta Gavrankapetanovića odnosno na neizvršenje Rješenja Upravnog odbora Univerziteta u Sarajevu br: 02-200/18 od 07.09.2018.godine.



web: <http://kuip.ks.gov.ba>, mail: kuip@kuip.ks.gov.ba
Tel: + 387 (0) 33 770-100 (centrala)
+ 387 (0) 33 569-870 (direktor)
Fax: + 387 (0) 33 770-151, + 387 (0) 33 569-890
Sarajevo, Aleja Bosne Srebrene bb

Inspekcijskim nadzorom na osnovu **Rješenja Upravnog odbora Univerziteta u Sarajevu** br: 02-200/18 od 07.09.2018.godine postupajući inspektor utvrdio je da se prigovor dr. Ismeta Gavrankapetanovića izjavljen protiv Rješenja dekana Medicinskog fakulteta Univerziteta u Sarajevu o prestanku ugovora o radu br: 01-3-GD-116/18 od 05.02.2018.godine prihvata kao osnovan. Istim Rješenjem se u tački II naprijed navedeno rješenje Medicinskog fakulteta Univerziteta u Sarajevu poništava dok se u tački III navodi da je Medicinski fakultet Univerziteta u Sarajevu obavezan u skladu sa Zakonom uspostaviti radno pravni odnos sa dr. Ismetom Gavrankapetanovićem.

U daljnjem postupku inspekcijskog nadzora inspektor je na osnovu **Zahtjeva (br: 01-3-6734/18 od 26.09.2018.godine) za instrukcije u postupanju po Rješenju Upravnog odbora Univerziteta u Sarajevu broj: 02-200/18 od 07.09.2018. godine** utvrdio da je Medicinski fakultet UNSA zahtjevao od Univerziteta u Sarajevu instrukciju u kojoj se navodi da je dr. Ismet Gavrankapetanović trenutno zaposlenik Opće bolnice „Prim. dr. Abdulah Nakaš“ u Sarajevu, kao zdravstvene ustanove koja nije nastavna baza Medicinskog fakulteta Univerziteta u Sarajevu, te da je neophodno da im dostave jasno definisane upute na koji način realizirati tačku 3. predmetnog Rješenja Upravnog odbora Univerziteta u Sarajevu, odnosno kako realizirati nastavu u smislu gore navedenog obrazloženja. takođe inspekcijskim radnjama utvrđeno je da Univerzitet u Sarajevu do dana inspekcijskog nadzora nije odgovorio na navedeni zahtjev za instrukcije niti poduzeo druge radnje u cilju osiguranja izvršenja Rješenja Upravnog odbora Univerziteta u Sarajevu br: 02-200/18 od 07.09.2018.godine.

Zakonom o visokom obrazovanju Kantona Sarajevo u članu 131. stav (6) propisano je: " *Rukovodilac visokoškolske ustanove je odgovoran za poštivanje zakona i izvršavanje odluka nadležnih organa vlasti i tijela visokoškolske ustanove u obavljanju registrirane djelatnosti i ovlašten je od rukovodioca organizacione jedinice zahtijevati postupanje kojim se osigurava zakonitost rada te funkcionalnost procesa na nivou visokoškolske ustanove/organizacione jedinice.*" nadalje Statutom Univerziteta u Sarajevu u članu 60. propisano je "(1) Rektor za svoj rad u domenu akademskih pitanja odgovara Senatu, a za svoj rad u domenu poslovanja odgovara Upravnom odboru. (2) Rektor je odgovoran za poštivanje Zakona i izvršavanje odluka nadležnih organa vlasti, Senata i Upravnog odbora u obavljanju registrirane djelatnosti (3) Rektor je obavezan poništiti odnosno obustaviti od izvršenja odluku rukovodioca organizacione jedinice ili nekog drugog tijela organizacione jedinice ako je protivna Zakonu podzakonskim i provedbenim aktima i ovom statutu te o tome obavijestiti u roku od sedam dana od dana donošenja odluke Senat odnosno Upravni odbor u skladu sa njihovim nadležnostima, kao i organ uprave koji vrši nadzor nad zakonitošću rada Univerziteta. (4) Rektor je ovlašten suspendirati rukovodioca organizacione jedinice i pokrenuti postupak utvrđivanja odgovornosti na način i pod uvjetima utvrđenim Zakonom." a uzevši u obzir da Univerzitet u Sarajevu do dana inspekcijskog nadzora nije osigurao izvršenje Rješenja Upravnog odbora Univerziteta u Sarajevu br: 02-200/18 od 07.09.2018.godine **odlučeno je kao u dispozitivu.**



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)


Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Nakon isteka roka preciziranog u dispozitivu rješenja, prosvjetni inspektor će provedbu upravne mjere izrečene ovim rješenjem pratiti po službenoj dužnosti. O utvrđenom činjeničnom stanju sačinjen je zapisnik broj: UP-1-14-12-38-20361/18-12/02-003 od 19.10.2018.godine, koji predstavlja činjenični osnov za donošenje ovog rješenja, a na osnovu odredbe člana 41. i 67. Zakona o inspekcijama Kantona Sarajevo („Sl. novine Kantona Sarajevo“ broj: 2/17). Shodno odredbi člana 171 st. 8 Zakona o visokom obrazovanju žalba ne odlaže izvršenje rješenja.

Pouka o pravnom lijeku:

Protiv ovog rješenja dopuštena je žalba Ministarstvu za obrazovanje, nauku i mlade Kantona Sarajevo, ul. Reisa Džemaludina Čauševića broj 1, Sarajevo, u roku od 8 dana od dana prijema istog, putem pošte ili neposredno organu koji je donio prvostepeno rješenje (Sarajevo, ul. Aleja Bosne Srebrene bb). U skladu sa članom 8 stav 3. Zakona o administrativnim taksama (Sl. Novine KS, broj 30/01, 22/02 i 10/05), ustanove iz oblasti obrazovanja su oslobođene plaćanja takse.



Prosvjetni inspektor za
visoko obrazovanje
[Signature]
Mirs Krivić dipl.pravnik

Dostavlja se:

1. JU "Univerzitet u Sarajevu" Sarajevo,
Obala Kulina Bana br.7
2. a/a



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb